


حقوقی بیلگیلر مجموعه سی

هر آياك اون بيشنه نشر اولنور

DOCTRINE



نَتَبَعْلَر

حقوقی فکرلر — RÉFLEXIONS JURIDIQUES

حقوق دوكتوری

مبلاسی: غار فرانفر

مقارر قرائین جمعیتی

پارسه برسیاحت اجراسنه مجبور اولدیغمدن اعضاسندن بولوندیغ فرانسه مقایسه قوانین جمعیتک دعوتنه اجابتله بر اجتماعنده بولوندم. بوکي اجتماعلره اوروپا علماسنک ویردکاری اهمیت، و علمی مسائلی تدقیق و مناقشه خصوصنده کوستردکاری علاقه جدأ شایان افتخاردر.

اقتصادیات ساحه سنده ملتلر آراسنده کیتدکجه آرتان مناسبات حقوقی مسئله لره ده ساری اولمش ویر ملت کندی قانونلری حاضرالار ایکن دیگر ملتلره کی جریانلردن بی خبر بولونماسنه امکان قالماشدر. بناءً علیه مقایسه قوانین، حقوقی تدقیقاتک معنا مللرندن بریدر.

اوکونکی اجتماعده موسیو [بودوئن] نامنده کنج بر حقوق دوكتوری انکلترده اسکیدن برو جاری اولوب انکلز عنعناته دلیل اوله رق کوستریلن [هابه آس قورپوس Habeas Corpus] نظریه سی حقنده اوزون برتبع اوقودی.

بواصول، انکلتزده مصونیت شخصیئی تأمین کافل اولمق اوزره عصرلردن بروتطیق ایدلمکده اولوب هر نه سبيله اولورسه اولسون توقیف ایدیلن بر آدمک همان حاکمه مراجعتله شکایت ایتسه و حاکمک بلافاثه زمان توقیفک قانونی اولوب اولمادیغه قرار ویرمسنه متدائر بر حقدرد. غیر قانونی توقیفلرک نتیجه سنده جزالر ترتیب ایدیلیر. خطیب بواصولک فصل دوغدیغنی، انکلتزده شخصی مصونیت ویریلن اهمیتک یالکیز بوقانونله دکل دیگر اسبابله تأمین ایدلدیکنی ایضاح ایتدی.

بونطقدن سوکرا فرانسه نیک اک بنام علماسی سوز آلدیلر؛ بوانکلیز اصولی ایله فرانسه ده کی اصوللر مقایسه ایدلدی. دیگر ملتلرده کی اصوللرده موضوع بحث اولدی. اکثریت، مختلف اصول جزائیه لرده مستنطقلره ویریلن صلاحیاتک بک کدیش اولدیغنی و مصونیت شخصی نیک بوندن دولایی سکتهدار بولوندیغه قناعت کتیرمکه برابر پک اسکی بر اصول اولان انکلیز نظریه سنک اقتباسه امکان بولونمادیغنی مطالعه سنده بولوندیله. انکلیز حقوقی متخصصلردن وفاکوله مدرسلردن موسیو [لهوی - ئولمان] اوزون برنطق ایراد ایتش و بومصونیت شخصی اساسنک قدسیتی و تأمین ایچون عصر حاضرده اتخاذی لازم کلن تدابیری ایضاح ایتدی.

اکثر علمانک متفقاً بیانلرینه نظراً مصونیت شخصی مسئله سی یالکیز قانوناً حل ایدیله جک بر مسئله دکلدر. اول امرده افراد ملتده و رأس کاورده بولنان رجال دولته بومصونیتک قدسیتی حقده کی قناعتک کواکشمش اولماسی لازم کلیر. قانونلر یاپیلسه ده تطبیق ایدیله جک اولدقدن سوکرا نه فائده اولور؟ اولاً، حقوقی ذهنتک وحق مفهومک ال ایله طوتولور بر حقیقت درجه سنده برملتک روحده یرلشمسی لازمدر. تقنین جهته کلنجه بر طرفدن رأساً مدعی عمومیلری تعقیبانه مأمورایتمک و دیگر طرفدن مستنطقلر طرفدن معطی توقیف مذکره لرینی معین مدتلرده تجدیده مجبور طوتوق یوللری توصیه ایدلشدرد.

اوج ساعت دوام ایدن مناقشه طبیعی بر صحیفه ده تلخیص ایدیله مز. الحقی اوروپا علماسنک نه کبی یوکسک مسائل ایله اشتغال ایتدکلرینی و مصونیت شخصی مفهومه نه بویوک اهمیت ویرلدیکنی قید و اشارت ایتک اوزره نقل ایدیورم.

تأخیر اجرا قرار لری

محکمه لری طرفندن معطی تأخیر اجرا قرار لری نیک دفتر دارلقجه اجرا ایدلدیکندن شکایت ایله مش و بوکا دائر سکز نومرولو نسخه مزده عدلیه وکیلنه خطاباً آچیق بر مکتوب ویا بر شکایتنامه نشر ایتمش ایدم . مکر، محاکم مقررانتک هر کسجه سیاناً مطاع اولماسی لازم کلدیکی حقنده ساده ، منطقی ، اساسی قاعده ، زور تطبیق ایدیلور؛ اودرجه ده کی ایکی وکالت ارکانی آراسنده بویوک باختلافه محل ویریور. صوک جهو ریت نسخه لرندن بریسنده تصادف ابتد کمز شو فقره نی عیناً درج ایدیورم :

«دون ایکنجی حقوق محکمه سنده چوق شایان دقت برحاکمه جریان ایتدی. جریان محاکمه یه نظراً مالیه مأمور لری محکمه تمیزک و بر دیکی بر قرار خلافه اوله رق حرکت ایتمشدر، دفتر دارلقده بو قرارده اصرار ایتمشدر. حادثه شودر :

تجاردن نسیم طارانتو افندی دن دفتر دارلق اداره سی (۸۹) بیک لیرالق استهلاک ویرکیسی طلب و تحصیلنه قیام ایتمش. بونک اوزرینه نسیم طارانتو افندی دفتر دارلق علیهنه بر دعوا آچمشدر. محکمه (۸۹) بیک لیرانک - نتیجه تمیزده طارانتو افندی حقسر چیقدینی تقدیرده - خزینة مالیه یه بو پارمنک اعطاسنه دائر باقنه کفالتی اخذ ایدرک اجرانک توقیف ایدلمه سنه قرار ویرلشدر، بو (توقیف اجرا) قراری دفتر دارلقه تبلیغ ایدلشدر، فقط محکمه قراری دفتر دارلق طرفندن انفاذ ایدلمه مشدر. مسئله عدلیه وکالتنه انتقال ایتمش، عدلیه وکالتی تأخیر اجرانک انفاذی طلب ایتمش، مالیه وکالتی ایسه بو محکمه قرارینک جهت مالیه یه مؤثر اولامیه جنی مطالعه سنده بولونمشدر. بالاخره مسئله محکمه تمیزه انتقال ایتمش، محکمه تمیز باش مدعی عموم یسی استانبول مدعی عموم یسه محکمه قرارینک انفاذ ایدلمه سی اهمیته امر ایتمشدر. استانبول مدعی عموم یلیکی بر مذکره ایله اجرانک تعطیلی دفتر دارلقه بیلدیرمشدر. فقط دفتر دارلق بونی ده نظر اعتباره آلمایارق اجرا ده اصرار ایتمشدر. محکمه قرارینک بو صورتله موجب مناقشه اولماسی اوزرینه مدعی عموم یلیک تشکیلات اساسیه قانوننک ۵۴ نجی، اداره خصوصیه قانوننک ۳۲ نجی ماده لرینک تطبیقی استانبول والیسنه تبلیغ ایتمشدر. عینی زمانده مدعی عموم یلیک امین اوکی پولیس مرکز مأمورینه ده تأخیر اجرایی امر ایتمشدر .

بوتون بونلره رغماً دفتردارلق مأمورلری اجراده اصرار ایتشلر، طارانتو افدینک قاضی و ارضیه سنده بیکلرجه لیرالق قفتیک ویاباغیسی آلوب کوتورمشلردر .
 تمادی ایدن بو وضعیت قارشیسنده طارانتو افندی اولکی کون دردنجی حقوق محکمه سینه مراجعت ایتشدی . محکمه هان دفتردارلق و کیلی حضورینه جلب ایدرهک محکمه نی دون آقشام کچ وقت رؤیت و انتاج ایتدی .
 محکمه بالخاصه چوق شایان دقت اولدی و هان هان سامعینی آووقتلر تشکیل ایتدی . محکمه، دفتردارلغک تحصیل اموال قانونه توفیقاً واقع اولان اجراده کی اصرارینک دوغرو اولمادیغه قناعت کتیره رک هان اجرانک تأخیر ایدلمه سینه قرار ویرمشدر .
 حقوق بر قلمدن چیقما دینی آکلاشیلان بو فقره دن خلاصه استخراج ایدیله جک معنی شودر که جهت مالیه مقررات محاکمی قبولده فضلّه استغنا کوسترمکده در .
 کنج و دینچ تورک جمهوریتده بویه بر مناقشه نک جریان ایدیه بیلجکنه و باقیه کفالتی آلدقدن صوکر محکمه جه معطی تأخیر اجرا قرارینک اتقادی ایچون عدلیه ما کتیه سنک، ینه دولتک دیکر بر عضویتنه قارشی اوغراشمغه مجبور قالماسینه تأثرله شاهد اولماق ممکن دکلدرد . محکمه نک ویردیکي قرار یا ککس ایسه تصحیح یوللری یوق دکلدرد . اکر محکمه نک مالی خصوصانده صلاحیاتی تحدید لازم ایسه . تشکیلات اساسیه قانوننک حدودلری خارجه چیقماق اوزره، بر تفسیر ایله ویا بر قانونه تأمین مقصد ممکندر . فقط اول امرده وهر شیدن اول محکمه نک قراری اجرا ایدیلیدر . مقررات محاکمی اهل ایدیله بیلن بر مملکتده عدالت تصور ایدیله مز .

ریکله مقررده:

بو شامه دعوا الرنده قاری قوجا آراسنی بولمغه و بینلرنده تأمین صلح ایتمه حاکم چالشمغه مجبور اولدیغندن بویه بر تشبثک حین اجرانسنده طرفین وکیللرینک حاضر بولنوب بولونامیه جنی حقنده وقوع بولان سؤاله جواباً، اصولک ۴۸۷ نجی ماده سنده موجود «صلح حاکمنک اوطه سنده قاری وقوجا یالکز اوله رق خفياً اجرا اولنور» فقره سینه استقداً وکیل قبوله محل اولمادیغه دائر عدلیه وکالت جلیله سنجه بر تعمیم اجرا ایدلشدرد .
 وکالتک بو مطالعه سینه اشتراک ایدمه بیلجکم ؛ بویه بر تشبث ائناسننده وکیللرک حضورینه بر مانع بوله مایورم . اساساً وکیل موکلت بوتون اسرارینه واقف اولوب صلح

مذاکره سی اثنا سنده حاضر بولونماسی هیچ بر محذوری داعی اوله ماز. بالعکس تأمین صلحه یاردیمی اولور. وکیل اسیلدن آری اولمادی جهته اونک حضوری مذاکره نک خفی اوله رق جریان اتمسینه مانع اوله ماز. وکیللرک بوکی بر مسئله ده اثبات وجوده مأذون بولونما مالری بر نوع عدم اعتماددرکه مسلکمز ایچون توجهی معلوم اولان وکالتک فیکرندن کچم دیکنه قانعز.

قوانینک تشکیلوت اساسیه نوافقی:

از میر مبعوثی انور بک قارداشمز آناتولی غرته سنده بو مسئلهیه دائر یازدیغ فقرهیه اوزون بر جواب ویردیلر. فقط صانیورم که آرقاداشمز بوندن اولکی نسخه لر مزده بوکا دائر یازدیغ اوزون تدقیقیری مطالعه بویورما مشردر. انور بک بویورویورلر که: حکام قوانینی تشکیلات اساسیهیه مغایردر ادعاسیله تطبیق ایتمز لرسه شارعلرک فوقه اصعا دایدلش اولمازلرمی؟ برده حکام بو حق زه دن آیلورلر؟

اولا قانوننری و بومیانده ام القوانين اولان تشکیلات اساسیه یی تطبیقه مأمور اولان حکام وظیفه لرینی یامققله شارحارک فوقه چیقماز؛ فصل که آمریقاده بو اصول تطبیق ایدلمکله انور بک قورقدینی اولمایور؛ بویله بر حال وقوعنده مجلس تشریعی، مسئله یی تکرار تدقیقه، تشکیلات اساسیهیه موافق برشکله افراغه چالیشیر. ثانیاً حکام بو صلاحیتی تشکیلات اساسیه دن آیلورلر. زیرا، مذکور قانونه نظراً، تشکیلات اساسیهیه مغایر هیچ بر قانون یایله ماز. یایلیرسه نه اولور؟ بو حکم قوه مؤیده سزمی قاله جق! یایلیرسه تطبیق ایدلمز. فصل که بر قانونک احکامنه مغایر بر تعلیماتامه یایلدینی وقت حاکم تعلیماتامه یی تطبیق ایتمه یورسه تشکیلات اساسیهیه منافی یاپیلان قانونی تطبیق ایتمز.

مع هذا انور بک برادر مزک بو مسئلهیه دائر بر مقاله یازمش اولماسنه متدارز؛ مسئله مناقشه ایدلملی که فکرلره کیرسین.

مقونی یایلیلر جمعیتی

یکی تشکیل ایدیلن جمعیتمز حقنده اوروپاده بولوندیغ ایچون فضله معلومات ویرمه جکم. کله جک نسخه مزده بوندن اوزونجه بحث ایده جکمز. عینی سببدن دولایی بونسخه مز بر آز تأخرله انتشار اتمکده در.

میل اسلی غادرانقو